

Yiu di Libertador Betico Croes, Juni Croes:

“Shon A. Eman a inspira Betico Croes”

DIARAZON anochi riba Plaza Libertador Betico Croes, e yiu homber menor di Betico Croes, Junior Croes den nomber di famia a duna un discurso masha inspirador cu ta cuadra cu e mesun pensamiento di Prome Minister mr. Mike Eman. Despues cu den oranan di atardi Prome Minister a bisa cu Betico Croes tabata para na caha di Shon A Eman, e yiu di Libertador a bisa diamars anochi cu Shon A Eman a inspira su tata. Representando famia di Libertador Betico Croes, e yiu homber a gradici inmensamente tur e honor cu ta wordo duna na su tata riba e dia aki, e.o. cu e diferente torneonan

deportivo y otro eventonan dedica na su tata.

Junior Croes a bisa publico presente, cu Shon A Eman a inspira su tata, y bibe ehempel di esaki ta cu Betico a scoge e fecha di 18 dimaart como e dia nacional, un fecha cu Shon A Eman tambe a uza pa hiba su lucha pa separacion. Betico tabata sa di creabrug y trece union, el a bisa. E hoben den un splicacion chikito di kende tabata su tata, a bisa cu e tabata un persona cu un calor humano grandi pa e ser humano. Un persona cu respet pa tur hende, apesar di e diferencia di opinion cu por ta existi.

Pero tambe a sigui splica cu Betico tabatin e honor pa completa e lucha cu Shon A cuminsa cune.

Tambe el a haci un yamada na Parlamento, na tur politico pa cumpli cu e deber p’e futuro generacion sa e berdadero historia di Aruba. E lucha no a cuminsa cu Betico, sino cu Shon A pero Betico a complete.

“Nos ta gozando di libertadnan cu hopi no sa cuanto a lucha pa yega na dje,” Junior Croes a duna di conoce.

Ya encurasha su \primo, Presidente di Parlamento drs. Paul Croes pa scirbi un buki cu e historia di Aruba, cu ta carga

aprobacion di tur hende. No mester duna un interpretacion nobo, mientras cu e lidernan mes no tey pa defende nan mes. Tur a estadistanan di Aruba, manera Henny (abuelo), Shon A Eman, Juancho Irausquin y Betico Croes.

Pesey e apelacion na tur politico activo, pa conta e hobennan e historia, di kico Aruba a pasa aden pa bisa cu awe nos ta liber. Na final el a gradici tur hende y a wordo gradici cu un gran aplauso y abraso di Prome Minister mr Mike Eman.

